

思伯子堂詩集

思伯子堂詩集卷十五

建甯張際亮亨甫

七月一日雨中奉懷煥奎比部

辛卯

北海秋雲萬里來，西山風雨極天迴。
故人不見孫賓石，臥病空思市駿臺。
幾處望鄉孤倚劍，他時得月待銜杯。
紛紛牛馬呼何恤，擾擾雞蟲未足哀。

送石甫明府之江蘇

江蘇水災請員奉旨發往

大江東下一千里，江岸無人但見水。
常恐年荒起盜賊，民飢民溺今誰恃。
卻言天災自古有，送君官盡杯中酒。
忍看黃河浪更高，淮湖漲天天不受。
高竇二城閉如斗。

一月傳聞斷行走嗟君此去民其蘇君去莫使民亡逋
亡逋聚散不可詰江湖邇日多奸徒朔風十月水應落
民始痛定思田廬看君爾時善籌策側聞長吏惟歎吁
平生胸有千卷書意氣慷慨了萬夫不逢盤錯艱難日
誰惜人才與眾殊

少穆先生移藩江甯復用前韻奉寄

聞道東南水復波重勞走馬渡淮河定看一路哀鴻息
轉怨諸州怪鱷多海內賢才須倚任臺端籌策欲誰何
流離父老災傷地屢報朝廷使者過

八月十八日同方三魯生

士超
泛通惠河

天氣日淒清風疏斷葦聲浴鳬流水靜去鳥夕陽明和
我愁南服關河倦北征君看賣漿者茅店足生平

魯生之濟甯於彰義門外送之

太白樓頭月千年我復看片帆飛汶水一別魯雲寒君
去還相憶秋風柳又殘飄蕭萬葉外何似對桑乾

風雨懷人圖爲葉二潤臣

名澧題

茫茫萬古心瀟瀟一天雨塞風吹秋雁孤影落南浦我
有所思人山嶺更水濱近或已百里遠或常千春悲來
未敢道閉門見荒草昨夢素月光宛轉盈懷抱湘漢何
迢遙騷魂不可招蛟龍驅惡浪八月漲江潮雖有尺素
思伯子堂詩集卷十五

書目斷無雙鯉西北望黃河河流復瀾瀾此時雷填填
哀猿鳴夜天美人如木葉何處不蕭然離憂自朝暮欲
往限塗路雨亦有時零風亦有時住惆悵獨無端停雪
今古寒間誰識茲意莫向畫圖看

雜感

薊門萬木落日夜起秋聲一雁來邊色千鴉散晚晴
心隨處滿愁眼望鄉明白盡慈親髮誰知此際情

貧賤仍多難乾坤何處歸朔雲長浩浩海月故依依
薄醉思殘夢新寒看徹衣蒼山秋一色遲我掩荆扉

江漲浮三楚露霖毒百蠻瘡痍連歲後生死片時閒

請

朝廷卹誰紓父老艱流亡古多盜應使卽來還

官符紛告糴積貯竟何如粟報移巫峽舟爭泛汴渠漫
馳滄海鷁並貴錦江魚莽莽天涯望空傷倦旅餘
消息甌閩遠低徊故舊深驂騑應得路鵲鶴或求林靜
感天人意貧傷出處心秋風滿河朔歲月竟駸駸

摩訶庵

前朝功德寺處處有滄桑一塔猶初地三臺正夕陽青
山空色相紅葉戀興亡聯騎聊返轡秋風過眼涼

龍泉寺

山深秋氣清百態因寒變
崿嶢抗霄漢巖嶭頻宮殿
代悲遯金往迹尙元明
眷木石怨雕鐫金碧餘輝炫
言尋翠華塔遂得龍泉院
夕宿萬籟生晨興羣動徧
風際木蕭蕭煙華靄時見
坐忘雲自去聽寂鳥孤轉
潺湲流水聲出石如有戀
積翠嶺分冒新紅葉疏薦
迴眺極京邑空光浩已練
安知一氣中蒼茫到海甸
幽燕古形勝塵土疲英彥
暫陪濠梁游轉慨武夷譙
懷遠情若遺臨勝意未倦
和歌動巉峭香界窮攀援

香界寺

鬱鬱藏陂陀蒼蒼夾林麓
松風迴虛空蘿煙引幽谷
窈

宛靈界開莊嚴巍殿肅豐碑煥雲日

翠華昔游矚道非侈功德迹豈窮土木是時寰海富祭
告崇嶽瀆東南山水區往往見

黃屋謳歌動父老錫賚徧臣僕天爲

聖情悅地以

皇靈淑況茲拱

宸居經營

兩朝速百年一回首巖崖閼寒綠佛古隱穹龕僧閒向
初旭墮階紅葉翻過簷白鳥逐浮雲無古今流水有往
復坐驚秋氣高細思人事熟鐘聲出齋廊慷慨下士獨

寶珠洞

寶珠洞何高迥出亂石上磴道緣巖峭城郭俯超曠幽
燕積秋色千里非一狀目窮鷹隼外桑乾浩東向蒼茫
昆明湖日氣蒸煙漲心悲吳楚郊今年汨巨浪父老蕩
田宅使者籌隄防吾

皇游豫暇豈侈離宮壯山僧但望幸繪畫到青嶂西風
從夫來絕頂雲孤盪崖傾恐翻飛壁立相摩抗又疑此
洞陰森然卽海藏誰言登臨樂獨使懷抱愴遠眺豈有
極近觀已無量乾坤固崎嶇側足茲毋放

秘魔崖

南方水苦深北方地苦燥黑白二龍潭近者屢祭禱嘗
聞隋盧師龍爲兩童保師去龍不歸北山潭絕潦我從
寶珠洞左徑忽失道巔巖壁對開一礪石脈槁礪左何
巉巖黝黑合十抱平出而上冒凹入而中窅閣閉唇反
張聳峭舌孤橋坐恐勢崩壓走訝影淩倒幽甕太古陰
天日失晴皓不知始何年鑿空納楹棹肖師待兩童若
兒出繻襦癡僧與客言安禪迹未掃如何歲旱膜稼穡
神不寶人閒霖雨才用舍信蒼昊山寒木氣堅風峭葉
聲老仰見獨鳥落右壁互雲表刻劃有趺跏坼裂無頭
腦可歎作佛疲失笑餘僧好夕陽閃遠色淵蟲咽枯草

身世萬念空誰能話旱澇

大悲寺

黃葉轉風色鳥聲如在空
薜蘿開輦路松檜合琳宮
香靄斜陽上秋光積氣中
翠華何處問惆悵憶支公

奉酬廉峰太史雨宿龍泉庵枉贈之作

白雲在天如可呼化爲霖雨何須臾
人生遇合亦如此況乃昨晴今已殊
徐侯高才復好客看山招我興不孤
和歌兩夕鬪奇險山鬼驚逐龍子蘇
飄蕭黃葉飛有無不聞人語聞雅雛
朔方千里浩一氣秋聲夜起長風驅
遠近視聽異慘寂高下崖谷紛翁噓
噴煙吹霧自作態

似補昨游奇所餘淒涼已訝清夢重閣迴但見寒光紆
君原抗懷在霄漢咳唾自落玉與珠我雖青霞鬱遐想
金丹安得醫凡軀固應江子共馳騁醉或射虎南山隅
豹隱鴻漸各偶爾世閒何物爲故吾獨於山水最畱戀
亦恐過眼滄桑俱前宵好月天堪問明日黃華酒更沽

山中夜雨不止慨然感懷故園諸子

松檜碧流煙山虛響石泉空思燕薊月遠照越甌五鬢
動秋風短燈依夜雨偏上方眺千里雁在客歸先
文獻凋零盡吾猶及老成魚龍恣滄海鷗鷺厲秋城薄
俗經多難悲歌厭近名萬緣曾未謝寒雨愴鐘聲

門外一谿水潺潺日夜流天晴風點燕村晚雨歸牛出
入安三戶輕肥忘五侯圭峯有荒刹客至亦同游

太弋白雲起山城風雨多吾家對瀑布曉望若秋河蒼
翠百里滿天清孤鳥過大機絕頂塔誰更掃煙蘿

便憶熊夫子居尤近此山白雲與流水無意去人閒亦
放山中月天涯照病顏昨宵能一見風急早吹還

白髮蕭然蚤移居實可傷近聞絕人事寄食就王郎老

至名心盡貧餘世累長道山有先冢旋殯亦何妨

怡亭遷居

光澤近更辟地邵武依寶積王莘夫秀才寶積村後有道峯寺家素先先生言寺旁有唐貞觀間張氏墓碑見

存也

叔度眞吾友諸郎解讀書頻年歸幸獲一面見何疏流

水照花外秋風聞笛初舊游渾雨散臥病憶荒廬

丁亥八月

與未涯別後彼此歸里竟未一見

朱李名家彥

楊林朱氏巧洋蓮坊二李氏諸君子

吳郎復異才

安寅吳秀才厚園名

清

寄書曾不到入夢若爲來谷口花連騎樓頭月在杯

當時醉爛漫未卜此低徊

春移綠桃樹夏采白荷花秋桂黃一屋冬林紅數家曉

寒衣換著夕醉被同加十載城西寺君仍看日斜

怡亭昔館

城西迎釐觀余數就訪其子弟廖秀才西田尤相愛厚今回首十年而西田復館此

若到西山下應知煙雨深蕭蕭斷人迹紅葉汝何心鴉

鵲夜無語巖厓風有音四圍蒼翠合鄉夢與孤尋

極樂寺有亭曰黃葉同徐太史江秀才小憩

春花四百寺黃葉此亭深風雨滿天地歲時成古今晚
煙無樹色落日有秋心悵憶紅芳謝紛飛何處尋

送周侍御作楫督學河南

黃河秋色自天來一片波光落吹臺到日儻思公子客
清時應薦賈生才繡衣曉照三花滿使節親持五桂回

前督廣西學
定感

至尊知遇重侍臣相望幾低徊

千年形勝獨悲歌弔古夷門憶昔過積氣天盤河朔大

故宮地入洛陽多中原偏好行驄馬南眼新煩閤
頤東南水災侍御有所陳奏商息民風同賴吉
贛州吉安會匪之擾侍御嘗入奏欲

聞封事意如何

重九日同樹齋太史游龍爪槐寺

晨興意超忽興適無近遠斷羣夕陽疏寒林霜葉穩西
山對高閣天際孤雲返眷茲佳日游但惜黃花晚

落解後廉峯太史有詩見慰次韻奉酬

放棄三秋日蹉跎萬古身風塵成倦客歲月負衰親浮
世雲同幻空簷月獨巡尙餘徐孝穆爲我一傷神

送四農解元歸山陽

莫向江淮望天長
浩白波言尋齊魯去
家近逼黃河鹽
漕仍多故相逢
使者過田園
儻高隱愁汝歲寒何

將人西山過宿雲麓考功

靜覺孤行好
貧知萬事艱
世情飯佛盡
天意放人閒
待月時臨澗
看雲或忘山
惟應感知己
一夢此簷間

秋林讀書圖爲杜蕉林禮部題

東風吹庭樹
碧綠搖春姿
有如年少子
翩翩不自持
人生及中年
得失亦可知
小人急榮利
君子懷歲時
不見青林端
芳華忽已衰
高柯結佳實
敗葉零枯枝
栽培本天意
傾覆理豈私
寸心感萬物
旁皇當告誰
氣化入秋

清平且澹以滋歌聲出金石曠然神智怡讀書苟有得
用舍吾何虧蟋蟀弔草露託根淺易悲山阿叢桂深獨
往還相思

時余將入
西山讀書

龍門有嶺南之行詩以堅之

幽州十月朔風惡塞馬仰天望鵬鶚萬里重爲嶺外行
出門楊柳皆黃落孫嵩范式昔有人看君慷慨輕一身
丈夫意氣類好事古義不足爲今陳到家豈免家人笑
行止從來難逆料長劒江南悵亂鴻短衣海上寒斜照
災荒無雪瘴癘多馳驅歲晚將如何心傷瀧吏梅花道
腸斷珠孃桃葉歌明珠結交薄塵土失勢生逢無一語

可憐陸賈賺多金，邇來廣州苦游侶。
誰思要約冒險艱，欲挈死友妻孥還。
轉疑劉郎亦豪士，得君如此良已難。
隔城羈栖數相見，聞君談兵視君面。
閱世深知萬事微，浪游悔踏中原徧。
昨就我謀我不欺，始終一事同兵機。
古來真才要歷試，去矣勉汝男兒奇。

天欲雪行

十月四日作

天欲雪，羣鴉飛西不到崑崙邱。
東不到蓬萊，南人歲晚爲北客。
恨無羽翼將汝歸，蓬萊上有三珠樹。
側聞鳳凰無安枝，海水日向東河源。
日在西愁心付兩水，何爲會合不可離。
有客昨自崑崙來，爲言崑崙之外有冰山。
火

谷獸不敢過鳥不敢棲請客試言冰山何嶽崎六月照
白日陰風寒淒淒漢家逐匈奴萬馬折其蹄是有青燐
黃沙慘澹不可以逼視夜聞鬼語晝或見之君幸不爲
戍卒到此百死而一生不敢哀啼我答客言南方之樂
君不知吳歆楚調越人之謳古來聽者魂悅使心悲聞
門何峨峨上與浮雲齊五步一樓閣中有千蛾眉樓頭
皎鏡照明月素娥含怨羞光儀莫愁本是石城兒石城
闌干帶江水水上鴛鴦如屋裏行人一見三徘徊借問
鳥何名其名爲相思其地無秋冬以春爲四時簾邊昨
夜雪宛轉簫聲遲開簾看梅花始覺雪在衣勸君莫惜

金縷稀枕上喔喔聞晨雞旦易夜夜易半河源海水可
中斷盟誓如天歡不移君幸不到此到此少年甘白髭
無有還期男兒征戰死不如事娛嬉征戰窮府藏娛嬉
窮室家悲歌慷慨窮天涯吁嗟鴉返哺人不如兮無雪
尙可有雪凍死插翅不得歸

十月六日入西山隱寂寺口號

今日正風雪載書行翠微迴瞻山下路但見葉紛飛孤
鳥欲何向暮雲相與歸天寒絕人跡吾得掩荆扉

夜夢

夜夢見伯氏初見跼在地已復相抱持驚詫對涕淚言

是君病篤奔走遠道至可憐頃刻閒眼明月西墜痛君
沒五年嗟我叢百累勞苦敢復陳心力迺空瘁家運遭
屯阨千營無一濟人事未當死天道恐難冀君應感悲
愴魂來入夢寐魂去不可留葉落荒山寺

昨來山中侯明經以扇索書因成二律送之歸萊
州

皎皎西山月迢迢出海東蕭蕭連漠北浩浩朔方風霜
落歲將晚著書徒自工清輝應共惜游倦道非窮

憶昔初相見秋清野鶴癯隔年詩到日春寺落花孤及
此重爲別冬寒匹馬瘡明年花發後天末寄書無

北礪

落葉何虛空夕陽似微雨濛濛合山氣半隱崖樹古礪
隨山脈分亂石紛高下披榛稍東入寸地不見土蕭然
風初寒足下聞蟲語迴瞻兩壁青暮天獨延伫想當夏
潦漲奔流奇可觀萬物有盈虧歲晚竭泉乳

連日校閱諸友詩各綴數語

自許元道州人方陳無已清厚本正聲峻約有名理所
存不滿百猶恐落卑靡立名必千秋斯人吾所喜

吳序

惆悵情何深宛轉意不盡舊家憶桐鄉如聽思歸引君
看江南北今年災可閔聊唱柳屯田月殘曉風緊

紙秋
士君

尤工

詞

謝家何多才惠連正年少閒情或綺靡逸思實清妙美

人臨春風天然發幽笑春花易開落荒園足斜照

姚子文君

秋士從弟其兄子靈亦能詩

忠侯晚學詩嘉州足方駕高材而不植有如農不稼新

詞力漸固骨立浮華謝庶揚表海風相與抗諸夏

侯穆止

十三日偶然作

興日澹無暉空山清自響高窗瞰城內朔風何蕭爽平原正鬱鬱邱隴紛榛莽每驚獵火明復見樵采往昔時富貴人於茲託微壤生存亦冠蓋死去乃塵坱颯颯悲

思伯子堂詩集

卷十五

七

風多臥地牛馬仰感此傷我心閉門獨慨慷

山高日多風在樹如水聲不知何樹葉吹落一鳥驚鳥
去如有戀忽忽崖下鳴尋之無所見風外斜陽明

白日未西落素月忽已升曠然俯百里野闊低孤鷹皇
都一何壯宮闕羅層層借問闕下吏何似山中僧暮雲
從何來夜色空且澄東村有田舍時見茅簷燈

寒氣入萬木榮落觀天心月中對疏影還閔無巢禽夜
靜羣動息人語巖阿深且晝抬楫袖暮歸溫布衾燈火
婦子閒藹然太古音君看軒冕客所樂非山林

十四日樹齋太史子序明經在顧次日偕游山中

次日別去慨然有述並寄廉峯太史

昨行苦溼寒未與故人別遠勞憶空山並駕尋荒轍到
門月在地因話來時雪燈火何輝光齋粥有懽悅坐聞
葉落盡起視鳥飛滅轉思明日去几榻爲誰設夜闌默
相對凜凜朔風烈

風吹山月落鵲噪知天晴飯罷出門去曲折崖上行俯
看昨宿廬下就荒碕傾盤盤石路高鬱鬱松蘿橫朱扉
映翠壁庵以龍泉名潛淵與騰天誰能測其情如何四
海大閤此一沼清心慙文魚樂來去豈有營所過足陳
迹不悟離別輕孤雲斷曠野鳥日低層城

九月五日廉峯太史招同

思伯子堂詩集卷十五

十三

龍門游此留三宿廿九日余再一來今
龍門南歸而太史不與茲游念之悵然

空闊見城闕岧嶢寶珠洞始驚香界寺雲表摩孤棟洞
口一迴瞰迺在波陀空氣雄有萬象目遠非一送紅塵
高入天黯然晝不動茫茫金元人飄風中簸弄來者不
可知去者日以眾坐嗤牛山泣豈效雍門慟引手接飛
鳥身輕可試鳳今古自浮漚散爲江海夢

登高古多悲所悲云如何出洞徑絕頂眺覽人代過東
臨榆關塞南俯桑乾波北去控朔漠西來阻黃河山東
二百郡幽涿雄峨峨積氣互千里風沙中盪摩在昔漢
唐盛走馬通新羅朔方都護府六郡良家多蒼海與元

苑父老輸征科魏武始失計六朝尋干戈五季再凌夷
遼宋安能和我復望薊邱泣下涕滂沱黃金無故臺臥
地鳴羣駝不見望諸墓樵采紛斧柯王公代設險國步
亦屢蹉人材勝金湯天命慎頃俄自從元明來宅都茲
豈譌三邊扼喉吭四海若惺惺宿衛列戎羌朝貢走夷
倭冠蓋日雜沓倡優矜媚嫫安知塵埃下賤士常慨歌
太行萬古秀遠影如修蛾九陲近障雪亂石高礧礧落
日照大野蒼然橫雲蘿踟躕下疊磴幽省窮秘魔

遙望證果寺低入荒厂罅登臨廻益高山絕寺橫跨百
里對孤塔懸厓驟傾瀉湖深亂石青明滅鳥飛乍夕陽

照東嶺寒光正西借積氣清滿天靜理浩如夜杳與諸
境隔獨覺羣感謝

沿澗出廬師越嶺歸隱寂瑩确石何多遲回徑屢覓卻
望諸寺煙高下紛囂屋鐘聲滿虛空晚照墮絕壁入門
月已高嘶馬仰在櫪曠然瞰郊郭重城見僦甕對酒忽
不歡歲晚各有適

子序將
之保定

平生素心人貧賤多營慙山

高天自動大星寒可摘話別期再來朔風仍淒冽

今朝風何悲月在人欲去童僕治鞍馬相對覺恩遽風
吹山上雲飛落山下樹樹邊白石橋是君昨來路駕車
路旁待嘶馬欲回顧塔惜翠華湮松撫長安固坐久語

未畢揮鞭塵若霧獨立望茫茫不見君行處

徐侯與我厚每憶悵以惆今日已孟冬昨日正殘秋新
詩在壁閒夜雨難重游可憐對皎月二客連宵留客去
復高歌月滿蒼山幽風聲似微雨颯颯西欄頭樹上雙
棲鶴驚起如有投一去入雲中一飛繞故邱

僧來

本是山中僧遠向郭外住昨歸覺可喜梵唄朝復暮疏
鐘動石壁斜月在松樹門前掃葉人已自紛來去

南礪

自余厯北礪懷想南礪奇落日散微靄悵然隨所之荒

草旣被徑修林亦蔭碕徘徊履蒙密竊窺乘巖崎青峭
宵無極蒼涼如有悲淒淒積幽陰茫茫見古時來蹤至
自惑去迹還孰窺心賞殊外契形覽申前疑自非抱道
者誰能蘊獨知羊求緬方遠荀何儻不遺寰區邈已大
企伫勞我私

晚興

萬物各自適我心清且閒出門眺前嶺犬吠茅茨閒靄
靄見遠象翳翳日已殘偶就盤石坐不覺雲滿山風多
識歲晚木落知天寒靜念人生理時復得所懽

嶺山後一片石至廣禧寺乃明宏治閒尙膳監賡

庵也慨然作詩

越嶺躋陽厓。踐徑憇陰峯。峯陰何所有。有石朝霞紅。平
曠互地脊。翕施揮山容。前臨百雉伏。後絕一鳥通。悄悄
氣映日。回回峽翳風。青嶂面阻積。勢與桑乾東。陳迹感
貂璫。朽骨推蒿蓬。崎嶇明末造。祚隕羣閭凶。邱壑亦奇
災。土木施淫工。君看五百寺。半鑿西山空。茫茫往古運
倚伏。誰能窮。徒悲改漢步。復見傾唐宗。前朝豈不戒。巨
碑森皇宮。如何數葉後。顛此覆轍中。人生失其常。戾氣
盈其躬。賊人而佞佛。宦者性所同。先王遠刑餘。履霜知
嚴冬。出入近肘腋。寵遇惡則從。我行觀壞塔。側立摩高

穹不見諸陵秋狐兔走橫縱頑僧墾墓田陳粟堆重重
常年米價貴山家菽不充子幼舍爲僧壯者皆其傭想
當勝國日憑附氣力雄卽今所到處尙爾縑徒豐荒剝
足太息寢室交房櫳非緣北寺燄孰侈西方功寒聲走
落木暝色迴長松獨隨樵者返隔寺聞初鐘

夜聞

截竹維靈禽際夜淩虛空哀音起遙怨悵望廣庭中關
山雖無月河朔故多風無由一書札南去寄征鴻

二十六日偶然作

蕭條孟冬盡靜坐覺微寒氣色滿郊野時出前林端巉

曉對蒼崖知爾始何年上有樵采路牛羊亦往還白日
天無風松柏高空山孤雲過飛鳥樵者在其間落葉可
爲薪負之下層巒悵然欲有問已去不復言

一鳥在何處交交中晝鳴一鳥過眼前飛去亦有聲起
行聽二鳥忽聞松風清有如秋月夜獨泊江湖生此松
幾歲年二鳥復何名古時山中人聞此豈忘情蕭蕭薜
荔深古路無人行

遠山一何蒼蒼當階基白羊一何多牛馬羣相隨朔
方晉以還人民亦已稀家富數牧畜此俗豈古遺隆冬
風雪寒衆羊當路歧下馬土牀坐酒厚羊復肥飲酒竭

泉刀不顧骨肉飢世遠不復問屋外冢纍纍家邊雞犬
臥冢上烏鴉飛有樹伐爲薪樹盡冢亦夷古時多豪傑
慷慨今何之借問朔方人風俗何由衰

平原曠千里浩浩悲風過積陽翳聚落時見三五家十
步絕青草四顧紛黃沙嚴冬氣肅殺憂來徒咨嗟念此
廣土闢藝植宜桑麻古者測水利雨暘因其和後世任
天功旱潦失則瘡九耕不餘一民命懸頃俄此都東際
海西南距長河太行天下脊其泉揚洪波驅馬適郊野
大地分高窪豈無蓄洩便未有禁戒苛溝洫竭禹力耕
鑿安堯歌迢迢太白星照我祁連戈湯湯淮黃溢鹽竈

幾無銓司農計度支抱關持征科茲事焉可亟所祈豐
穰多庶幾俟富庶濬導足粳稌掩關復太息短鬢毋先
饑

述感奉廉峯樹齋二太史兼呈農部况先生

平生足可思含思已涕洟百感集頃刻猶言士有時時
哉不我與聽我歌相貽十二就外傳十三哀孤兒十六
學籍列十八州舉隨一名材等異再側國子師此外更
九黜三十年已馳豈無賢公卿嘆惜遇迺遲豈無良友
朋吁嗟數則奇歎惜復何道吁嗟竟奚爲曩在成童日
謬多長者知近爲鄰里慕遠爲郡邑窺賈客譚姓名野

老推禮儀晨入試千言午出尋百嬉往往冠其曹處處
稱其詩曠代駭逸才先澤謂留遺豈惟速仕宦方當振
凌夷賤子頗自喜邁俗以前期糠粃視富貴山水窮險
巖初越仙霞饋手接過鳥危漸泊富春渚耳愴啼猿罷
狂奴固偶爾文叔不在茲慷慨君臣際惆悵英雄姿錢
塘一片月曉送太湖湄蘭陵三日酒夜醉曲阿碕大江
天茫茫滄海日離離京口征戰地萬古風濤悲卻踏金
焦頂憑弔秦淮漪青山二百里過盡如修眉誰能爲六
朝喚此大夢癡揚舡鄂渚近回帆彭蠡移到家不稱意
欲采天台芝悵望赤城霞忽返良可憶南戒盡雁宕怪

石張坤維瀑布有萬態氣壓匡廬卑濯足戲龍湫浩然
吾何虧高歌四無人但見蒼厓巖是時及弱冠放軼絕
檢羈上恃老母愛家有長兄持豈知倏壯盛兄死母益
衰貧輸溫飽好賤致屠沽廓落慙志氣抑塞拙言詞
可憐困奔走那得究設施坐憶歲丙戌仲春裝始泊弟
兄賦北征不顧分爨炊鄰里各走送謂幸官曹司中途
逢野老笑語聽呢呢謂我必得官好官必無疑楚蔡陳
鄭郊齊魯燕趙歧見者多太息傾倒在天涯同兄至易
京卻別渡琉璃天門高九重欲上狂飈吹墮落遂至今
六載餘百罹怨女忍自明棄婦當自嗤顏色固非陋愛

寵非偏私愁如萬春蠶晝夜無停絲將絲與蟾子斷絕
不相宜憂如兩秋樹冰雪合枯枝折枝比唐花榮瘁益
參差得失安義命淒涼春蘅茨屯阨難具陳稍與訴峴
崎去年三月朔別母謀衣糜妻病不敢問子送何太騎
忍淚勸子學已別復顧之月望止晉安夏秋意煩慙登
樓感王粲側足厭荆陲其行以冬仲饒燕色有悵南荒
冬不涸白波浩渺瀾扁舟泝萬灘灘懸石倒垂層層立
鐵壁綿互而嵒嵯瀾澎湃湑流縈繞牽繩紋常恐一失
勢魚鼈飽殘馘歲晚氣候獨灌木陰紛披篁茅夾霧露
終日聞黃鸝夕就荒岸泊繫纜因樛樟厂广覺有煙分

寸明疏籬人聲絕燈火鬼氣逼魍魎臥聞破蓬底銜尾
來羣鸛伏枕閱晦朔遵陸卽長逵再三易短棹卒歲雨
雪漸客行不知春江路柳已黃更渡彭蠡湖顚卽增淒
其昔我初渡此二十顏如脂被服黑貂裘冬寒不著肌
五老對坐嘯飄飄展雲旗鄰櫓詫神仙隔船兒女瞠及
我再渡此春流盤涼颺落日大孤塘得魴勝鱸鱠弟兄
夕共酌憶家論耕耨春流尙無恙魂往不可追孤影一
自照裘敝寒且飢面目凍黯慘足手皸胝燼低頭自飲
泣恐被旁人訾小姑對皖公中有清水池淮水通汴梁
中有岳家祠池邊愴舊游淫雨何淋漓四旬滯桐鄉躑

躡牽江藤采蘋到祠下感喟涕承頤昔來此禮謁三月
同暮曦兄時守逆旅與話祠堂碑且欲走邯鄲更訪叢
臺基兄言邯鄲路沙磧苦逶迤不如徑莘灌射書臺鬼
歸今年邯鄲行果爾覆輶輜人馬並顛蹶血霑車綏
況復地震後連村斷餓飡思兄夙昔戒駸駸愁班騅男
兒旣坎珂跬步皆蹇趔陸何非猛虎水何非饑螭徒譏
觸藩羊空羨曳尾龜千鍾粟匪繼無以娛親慈八州督
匪貪無以庇兒羸嘗恨百軸文不敵一尺箠艱難懷骨
肉閱歷驚瘡痍卽如始息駕首夏蒸炎熹長安富倡優
冶游爭妍媸招涼瓜李雜顧曲箏琶滋卻掃不復出避

客如新發科名覲弋獲冀幸老母怡如何復放棄觸熱
空飭教天寒入古寺狎浪永與支登高眺四遠落木盤
鴉鴟中年哀樂故自古豈若斯傷心負孝弟勞苦匪所
辭蕭條獨坐歎夢覺喟以嘻我始得黃君術業懽相資
時維丙戌冬未識怨旅羈明年我兄病送歸過越趙國
門七出入一歲亦已疲君心閔我困再詠以勞詒上云
神明驚下云人言謚折翼惜倦鳥撼樹嘲叢虺其年交
徐君及今亦五期君詩遠過我譽我何諛譁寄書黃司
農當塗黃左
田尚書司農報許錢塘許侍
讀乃普祁壽陽祁學
士寓漢老矣見
未卜丁屬勤訪諮顧我愧杜甫諸公其昌黎廉峯太史
以余詩寄

尚書且作薦士詩於是尚書寄書祁許二君有云福建
有張亨甫者其詩學李杜嘉慶道光以來作者未能或
之先也僕老矣不能如韋左丞頌之於朝陸賈復何有
右云云於是祁許二君皆有和太史之詩
更藉陳平賞靜念轉感激未曉還褰帷旁皇覽六籍恐
日薄崦嵫憶昨初落解二君有餘嗟新詞勉慰藉醕酒
招傾釃共謂粵西良薦士目不眇當時頗賴士每爲閭
者麾以此趨拜闕終盟結履綦秋樹尙有心春至仍威
蕤上枝拂碧漢下枝蔭丹墀上下巢鳳凰左右分雄雌
飼蠶采其葉五色繭纍纍衣被天下士惟汝知怨咨

投史梅裳

襄齡

當代論騷雅羣才各自雄斯人齊魯秀獨抱漢唐風欲

永知江海尋山見華嵩迴盤九州氣慘澹十年功嗟我
少多病於今更轉蓬塵埃消歲月神鬼問虛空世事浮
雲上秋心落日中北來聽邊馬南去集哀鴻旱潦傳聞
異艱難悵望同悲歌一覲豁萬物自窮通相憶能高詠
前賢亦偶工誰尋李杜意汶濟日流東

思伯子堂詩集卷十六

建甯張際亮亭甫

游皇姑寺

辛卯

北狩回何易功非一諫殊龍飛出南內鳥盡怨西湖樹
色碑亭古經聲塔院孤蒼涼閱人代殘照暮鐘俱

聞笛

花宮清梵寂銀釭碧穗闌不知關山露誰家羅幕寒瀟
湘有斑竹二妃啼痕殘翻悲一夕韻流怨恆無端歲晏
鳳芳歇欲寄傷幽蘭淒淒金屏夢宛宛瓊姿歡驚回自
攬結衣帶日已寬余美豈不思相思霜雪團

余幼好奇服涉江采蘅荷秋風一夕至零落亦已多纖
女倚雲端纖手卷素羅相望不我卽盈盈天漢波天漢
高且長如此卒歲何四序更代謝孰爲勞者歌落梅怨
標搖折柳悲蹉跎昔爲江上客今共山之阿江流有淺
深苦寒誰得過

曉日

咸池浴陽烏一綫動頰尾金霞忽萬丈碧靄復千里
爛光滿天茫茫氣到海團團丹砂盆下照重城裏出沒
隱觀鵲岩曉矗宮雉麒麟高嵯峨鴛鴦帶邐迤長樂
鐘聲上陽散花藥殿闕若朝雲車騎如流水百官肅

九衢喧曉市烹羊宰肥牛割雞膾鮮鯉細燂熊掌白
高斫駝肩紫酒傾珊瑚牀坐耀珍珠履翠裘颯沓進黃
金塵土委優倡妙舞歌僕妾工拜跪交窺各伺目眾聽
不同耳幢擾在數刻今古同一視極望盡蒼煙空山寒
臥士

對雪作

去年發東越此際望長安今日長安雪遙思東越寒六
千里塗路十五載悲歡余自丙子至福州及去庚寅前後來往十五年風靜雪
仍落茫茫何處看

東越天多暖隆冬花可尋長安歲方晏曠野雪何深花

似去年日雪傷遲暮心君言花勝雪零落總駸駸

花飛猶故國雪暗是他鄉若抱他鄉怨毋爲花事傷偏
因故國夢轉戀雪宵長長夜君自愛傷懷誰與詳

怨似長安水無聲出玉溝夢隨東越月有影伴珠樓月
與雪同色水將花亂流因花水更恨對雪月空愁

何處曾無雪何春不有花水流皆別地月好復誰家且
酌長安酒蕭蕭聽暮鴉毋嗟東越路杳杳望風沙

送雲麓觀察督糧粵東

憶昨走馬長安道京朝同鄉半傾倒六年落拓賓客稀
相過獨許論懷抱皇天遣我不稱意我未成名君去

作雨興雲在一朝神龍未合同潛蛟蟠螭泥塗愧頭角
飛騰滄海淩風潮古來豪傑盡如此卻看大澤從茲始
君儻夔龍引故人我敢牽牛傲天子潛蛟豈飲一尺水
丈夫不當邱壑已

國家平治二百年法久則敝人亦天大帥新移都護帳
司空屢紬水衡錢武士交臣滿中外水荒地震相後先
江淮財賦最天下正恐明年減漕船海南反覆實後附
國初以來輕租賦賦入原供防海兵租庸儘給籌邊戍
市易多年達島洋夷酋列肆來朝暮土來金去芙蓉膏
絲輕帛賤羽毛布澳門近據數千家屋似重城礮環護

卻笑前明中葉時倭奴百人能突馳越吳閩廣到處倣
俞戚譚胡諸將疲

聖朝威德如天大絕域懷柔似水歸內府諸郎領關樞
明珠飾履翠爲衣唐宋中朝厭過嶺今代輶車喜馳騁
梅花頻折貴官多荔支得飽游人幸聞道佛桑僅有根
可憐仙蝶紛無影珠江船燈照水夕花田粉黛驕春冷
朔方歲暮酒百壺按劔四顧憂艱虞昔未得爲坐太息
茲行遠別將何如李公久付倚任重朱公夙負清鯁譽
綢繆未雨豈多事變化流俗需良圖知君最深望轉厚
才我所敬言肯受不惜吾貧絕丐貸但願官賢計長久

天語監司乃大臣古聞蠻裔多羣醜便使儲胥富五羊
要持節鉞指南斗空山冰雪臥懶出征旆關河送敢負
滔滔歲月見何期莽莽乾坤獨回首

寄胡小東

方朔

太守

薊門別後歲如流聞領高州更廣州當代詩人多過嶺
古來才子幾鳴騶大荒氣白神山碧南海天春漢月秋
曾到龍眠聽風水相思難倚桂爲舟

一代騷懷感正聲近來貧病困長征低徊洛下書生詠
纓帶周南太史情三輔雪天寒鳳闕九夷風俗聚羊城
郎煩鄭谷先傳語荔子花時儻笑迎

初八日作八書寄桐城諸君子慨然口號

今春連雨得新晴曾到龍眠絕頂行落日空山寒雪氣
過門流水答松聲江東人物皆王謝客裏風懷似慶平
一別杳然雲散盡獨看積素此峯明

寄光栗原

聰詰

廉訪保定

荆門上下通江漢榕海東南盡越甌天外重經霞嶺月
花時一別楚雲秋道塗徧歷知民隱政事能閒禮士優
歲晚羈孤餘感激滄沱憑寄寸心流

倦游猶憶客郊封太息何因訟每工獷悍本推秦上谷
通逃近似漢扶風路君他日遭逢異蜀相當年惠愛同

箕箒耨鋤紛細故昔聞走馬訴臺中

盧奴千里實邦畿曠土蕭條戶口稀徭役往時勞繫累
胥徒相見各輕肥出車代傳誰徵豆抱布輸公自典衣
幸語屬僚新耳目恐聞杖下泣寒饑

天子深知三輔艱秋曹讀律十年閑卽移官近盧龍塞
想見風清固犴閒憇恃文章通性命古聞微賤抱痼癰
別來令弟常相憶桐子春城夕照山

望思臺

博望苑歸來臺築苑一何樂築臺一何哀帳中何人非
趙李江君那復知太子堪嗟骨已鳩水寒不悟冤從狗

觀始石德固有罪蘇光非無尤可憐闕下憶三老應聞
夢裏呼千秋君不見平陵佗年八九歲戾園後時二百
戶高皇社稷亦孤危丙霍功名淚如雨

初十日入城十五日夜歸次夜對月口號卻寄城
中諸友

禁城坐月憶花宮及此清寒悵望同百里下盤冰雪氣
四山高動鬼神風賤貧獨抱蒼生感詞賦猶思曠代雄
永夜故人多待漏誰先寂寞念張融

至日

十一月十九日

余家渠村而支祠在柿坑先君子在日是夜必

於家設祭而合同祖兄弟飲福其後伯兄繼之
亦然今先君歿二十一年伯兄歿五年余久客
在外未知家祭如何悽然傷懷輒有此作

日昃風高野又陰山寒霜晚淚霑襟神靈空闊來天地
骨肉悲懽自古今未死尙知門戶託卽歸已負歲時心
多年馬散柴扉月永夜烏啼貝葉林

二十一日晚望感懷

神州積氣莽蕭蕭萬古寒雲動一鵬落日關山合幽冀
極天霜雪變金遼羽林年少能驅馬甲第羣公盡服貂
歲晚獨居車騎盡空思負弩故鄉遙

感通經幢詩

幢在漳州戊子歲雲麓觀察以榻本相遺屢屬
爲詩而未作也今觀察將行爲賦此備後人采
擇焉

漳州郡始唐垂拱金石最古餘咸通王制建幢幢六面
劉鏞之筆真書工陀羅尼經及萬字子女姓字鏤鐫中
是時朝廷復佛寺遐邇祈福皆從風紇千山頭怨凍鵲
騎馬遂啟三郎雄此後亦有禪師碑轉眼劫火塔院空
漳州羅漢禪師碑
閩王昶時僧某書千年摩挲不缺蝕茲幢母乃憑神功
閩中昔首開元蹟貞元元和盡愛同
福州東山愛同寺碑開元二十五年

李邕書愛同寺大律師碑貞元八年于嶺南書東山愛同兩寺義食堂畫壁記元和四年顏頤書梁書難

問出師頌

蕭子雲書在福州府

馬驪

宋淳化閣帖

玉枕

王枕蘭亭書紛飄

蓬南瀾石像閣不出

唐歐陽詹撰記今寺中有此碑擢之甚艱

毬場但見荆

榛封

毬場山亭記元和中八年馮審撰分書

毬場

大中禮

樂久播蕩作社豈憶關西公

來幸存般若篆

大歷七年李陽冰書

其次德政碑

龍嵒

閩王時茲

幢僻遠孰購揭屹立海上光熊熊三公亭與黃畬廟

泉

三公亭石刻歐陽詹記建州黃畬廟記廣德二年吳安世撰並正書列郡鼎足雄甌東可

憐二記石亦爛獨此未損沙磨礪同室天王堂有記

咸通七年盧標石刻後神光寺盧元石刻前九峯

九峯鎮國禪院額

思伯子堂詩集

卷十六

七

書

經幢異日亦多有天福

九年李紹元書

顯德

三年僭文瑛記

凌巖穹

至今傾滅共人代轉思神力亦有窮憶昨惠我愴三載
宛觀銅狄涕橫縱已徵造塔兆閭世足悲迎骨勞唐宗
請從吾鄉數碑碣如何大半標花宮茲幢或可示鑒戒
况乃字勢翔鸞龍唐人作書如作詩偶遺筆札多雍容
其詩其書世共貴工似工意嗟誰逢識小亦備文武道
六書作本神聖聰抱殘拾闕到甌瓦今人好古忘疲慵
乃知雷電燬薦福天使迹象還滄蒙平生寓物不留物
大文元氣游虛虛名山大澤絕佳處亦喜手撫摩崖蹤
作歌偶爲茲嘆息故鄉文獻追無從

詩人

詩人鍊才若鍊劍光氣內斂無端倪飛騰長虹豈有迹
湛澹秋水如無姿是其興在萬象表浩然意以元化師
去者已遠不可追來者有待安得知方平自笑今已老
且看人閒狡獪兒

曉晴

寒氣浩千里晴煙動九門陰陽見舒慘今古盡朝昏冰
草牛羊健風林鶉鵲喧喜看城郭外樵牧往來繁

入山以來懶出庭戶二十七日午晴偶行山下慨
然有述

冬山映淒日寒氣晝有光出門隨所適但見風禽翔谷
鳥鳴復飛影絕中蒼茫疏疏槐柳榆隱隱萸青黃歲晏
物欲春轉惜去日長道逢牧羊兒閒話一何詳屏居郊
野外每覺人情長如何久不歸吾廬亦已荒

傾澗水潦絕亂石何嶽崎大柳出石中一半枯無枝一
半亦已青向我尤依依憶我十三四門前臨清溪溪上
種新柳落日風吹之攀條對落日悵然有所思思斷不
可續柳盡不可持將溪比澗水澗水流無時澗水流無
時行人胡不歸

好鳥不知名飛出深谷閒飛飛向何處復向谷中還谷

中何所有暖暖蒼煙寒長風吹朔塞落日高鷹盤翡翠
巢珠樹鳳凰歸丹山萬族各有託孤生獨無懽栖栖望
天涯何處餘琅玕朝飲條上露夕棲崖下菅未知造物
心慎勿鬪羽翰

閉門曾幾日忽復將歲周笑問牧羊子似汝應無求此
子向我言家有兩黃牛復有五白羊求芻不得休牛飢
或自鬪羊飢鳴咩咩霜雪滿曠野赤足隨所投風吹短
草低家家牛羊游羊肥主人喜羊瘦人奴憂夜宿牛闌
邊起視燈火收安能竟比汝眠食得自由我聞真一嘆
彼此知誰優

少年意慷慨自許英豪人淹忽及壯歲舉目非親鄰寒
氣日夕低光慘棲崖榛荒崖雜暗谷黯然如有神宇宙
亦已大百病慙一呻披褐臥冰雪坐視飢寒倫雖微濟
川用欲問松檜春松檜日脩脩掩關遺路塵

次日雪中作寄石甫明府

廿六日得九月
廿九日淮上書

使君昔渡滄溟東手剪鯨鯢愁射工逶遲土牛逐流輩
經過竹馬繁兒童使君今飲黃河水千檣萬舸看飛駛
建言大計憂黎元致身朝廷慕青史人生禍福那得知
高才摧挫終不衰三公儻能禮趙壹南陽正須勞杜詩
可憐國家多事日自古賢豪濟時出憂來獨望淮陰臺

夢裏猶驚酒泉卒憶昨幽州冰滿天酒闌歌罷哀郢連
檻車纔送降王裂鎧弩仍殘校尉遷黃沙白骨金蒲路
鬼哭無聲地靈怒蛟龍跋扈吳楚驕雞犬流離黔首暮
見君復在長安城送君卻向長江行但看河水連江漲
誰識君心與我情送時並騎京郭歇夜中別去燈未沒
忽思閩海餞歸寒燕兒琵琶泣殘月足兵足食事艱辛
海內英雄今幾人朔南雨雪年年淚幕府秋風慷慨身
雪中放歌

眼中不見蕭丞相天下豈識韓王孫一冬自看萬古月
塵埃富貴徒紛紛狂歌擊劍走飛電山鬼夜起驅寒雲
思伯子堂詩集卷十六

朝來蒼茫作水氣巖壑盡化秋潮痕開門望遠浩無極
三十六天風一色卻疑天上太清寒落盡瑤華寄相憶
飄飄應似瓊樓舞淒涼誰問銀河織世閒愁絕姑射人
夕漠朝霞不火食我復酌酒坐對之深澗啼鳥如哀絲
憶從高樓攬明鏡梅花欲墮當紅衣安能射獵更馳騁
美人駿馬年少兒吾家何處不夢幻自古可憐多是非
君不見名都鬱鬱何壯哉元明之人豈再來渾河日夜
向滄海樂毅荆軻竟安在功名意氣空山邱斗大金印
誰肯求建成未足客四皓樓護堪嗤事五侯

十二月二日苗仙露明經來山中次夜話感有作

六載困飢寒憂端來萬古空山獨歌泣斯民閔愁苦況
子吾故交好學精訓誥弟死母益衰身賤家更窶助婚
慙阮孚薦士愧韓愈所恃師友信安計勢力阻天涯相
遇人平生默可數一勺艱遠濟在昔固多舉今來悵旅
食亦自賴儔侶乾坤往復意誰能無取與可憐泰岱雲
崇朝不成雨未知死溝壑且共望寰宇當世多面朋豈
惟流俗侮太息起悲歌夜星動檐廡

初四日同仙露入城口號

時雲龍觀察行有日矣
往往送之且爲仙露納姬

芳歲忽已晚故人多遠離卽憐今夜火不共暝鐘時河
漢烏應集冰霜馬正遲郭門慣來往幽意復誰期

雪堂話別圖題送雲麓觀察

前月之十三夜觀察約宿寓廬爲置酒話別家
人外無他賓也次早復謂余曰京朝友朋多矣
同鄉投分者更不少然吾兩人固最相得也昨
夕情景未知誰能寫之余爲之慨然乃屬潘星
齋待詔吏部爲作此二圖各存其一初四夜宿
廉峯太史寓廬圖適裝成因復題四律爲別

信有離堂在眼前歲寒留與憶他年當時已悵嚴灘月

丁亥十二月雪泊桐廬江有寄懷觀察詩何處相思賴石船身入畫圖傷別

憤去冬自福州入都李蘭屏比部蘭卿太守爲作石畫
留人圖劉西堂寺廉諸友亦作洪橋送別圖今夏日

觀察亦有
詩題焉
勞驛使傳

客多風雅送行賢
萬梅照地花如雪
過嶺應
宣武門中百妙坊
預知去後掃門荒
不須南漢回頭遠
已覺西山別夢涼
家燕復看兼子弟
詩名曾使動曹郎
卽勞曠代春風筆
難寫寒宵萬感長

千秋信我塵埃下
此意寥寥况遠離
戴笠勝車如昨日
輕裘肥馬幾同時
不慙金紫循吾分
獨甚丹青見古遺
嶺月朔雲真萬里
畫中相對卽天涯

始信韓蘇是壯游
千年文采照炎洲
極天風雪吾何往
終古寒潮獨繫舟
金石儻尋南海廟
湖山無恙合江樓

出關笠屐誰重繪

唐人有昌黎風雪出關圖宋人有東坡笠屐圖

尙欲從君集

翠裘

次日廉峯太史招同人集寓廬餞雲麓先生口號
若到天涯獨感春暫時進酒莫辭頻歲朝已隔黃河水
海國遙憐翠羽人名士卽今耆舊盡富民從古子孫貧
尊前慷慨張安世別愴風懷送漢臣

次日同人再集樹齋太史寓廬感懷有作

故人有佳客置酒待吾來歲晏身將老時艱士不才猶
存知己淚轉憶昨宵杯

昨夕同太史飲海秋寓廬

若問寒梅信多應

竹外開

走筆題星齋西山紀游圖

淼淼太湖闊扁舟西洞庭斜陽隔水白暮色結秋青
柔藥鳥驚起放歌魚出聽今來慧遠在誰共夜譚經

十二日大雪夜寧得月有作

蒼茫深谷口蕭瑟一鴉聲孤客歲時晏滿天風雪成
林寒向人夕月出映山明鄉夢迷歸路淒然永夜清

次日喜晴

東漲南方歉年豐北地安朔風三度雪晴日萬家懽
山鳥故多語野鷹時出盤儒生飽旅食未免望鄉歎

山光在地滿松氣入天清風過吹猶厲林翻落故輕低

村煙舍出注石水泉生萬里天西望何時洗甲兵

是日偶行山下慨然雜述

山雪照白日宇宙何茫然開門見百里悵望悲千年寺
僧掃徑出引眺仍回延槎枿荒崖樹夾我屋右偏屋上
壓巔峭亂石高龍泉太行從西來一氣盤幽燕安能越
絕巘下瞰窮三邊谷轉鳥鵲聚野豁牛羊連杳杳積靄
中寒氣晝滿天峨峨宮闕燦白鵠塔影翩自古帝王州
悠悠多人煙父老揖我坐有亭叢槐邊飄風忽四起槐
上雪灑肩宛轉憶去歲此日辭杭川我友別可念我僕
去可憐人生一失志眾感紛相緣兩載斷家書客死不

蓋愆朝餐盤中肉忍涕忽已漣肉食豈不美慈母啜粥
餽徒知世治亂豈抹身危顛吁嗟造物智我實可棄捐
吁嗟造物仁我母望我還吁嗟神鬼厲播弄逞汝權父
老怪嘆咤頽景薄虞淵徘徊踐嶺路躑躅循巖巔浮雲
東南征奄忽無盤旋夜夢或得歸昨夕不得眠

是夜雪中對月口號

天風向夕起萬壑雪生寒莫怨關山月爲君明夜闌清
輝如不盡故國儻同看翠木蕭蕭外飢鳥去最難

蘇渭占

兆熊

提督訪僧園令子賓嶠庶常屬題

國朝吾鄉盛武功世祿五等兼王封兒時朱蔡恣跋扈

思伯子堂詩集

卷十六

古

初身影浪津鮫宮

余年數歲即思剪滅之

蘇侯前時謫

海公父老不願馳艤舫

海公蘭察征林爽文君以事見

奇之欲偕赴臺灣君以親老辭

國士由來知己眾丈夫豈合偏裨終暮年再遇蔣相國
薦擢不次以

帝聰蘇侯蘇侯真豪雄虎門萬帳貔貅風花田潮落試
白馬桂林月滿懸彤弓平生功名五嶺外曹溪飲水思
南宗烏庠海公不可見蔣公垂老遭訶譴勤勞應得易
名典富貴未覺愛才倦我於蔣公初未識因侯慷慨逢
時彥江河鹽漕一官兼節制東南二百縣古來重任無
過此幾人始終淚如霰蘇侯應不忘蔣公何處秋鐘尋

退院前身或是支道林神駿驍騰愛飛電吾聞佳兵者
不祥以慈止殺後必昌看侯有子登廟廊寶刀昨擁宮
袍光酒閒爲我話百粵山水奇絕我欲發歸臥翠微望
邊月山僧笑我胡兀兀已幸天南剪突鯨猶盼河西取
回鶻功成長揖謝王侯卻訪赤松煉金骨

斜陽

百里斜陽色因寒盡化煙空山殘雪上大樹遠村邊冉
冉城頭合濛濛水氣懸風多如自動野曠黯相連古戍
光沈塞孤雲意到天誰家餘巷在是處故宮遷烏鵲翻
城堞牛羊遶墓田併催千恨滿都繫一輪偏思婦愁將

思伯子堂詩集

卷十六

圭

夕鬻人感逝年揮戈應莫返橫笛若爲延離別衰新鬢
存亡悵舊緣詩魂招欲語淚點照何先信有流光疾曾
無好夢圓不如聽暮雨那得映歸船白月更番出青袍
擁影憐日來勞閃閃獨望冷幽燕

石橋

斜陽下積雪寒氣上空山獨過石橋望因知風色閒行
人逐前侶去鳥復飛還遂有接輿興狂歌盍掩關

村路

柴門汲井水父老飲歸牛山雪滿村路野風吹戍樓看
雪知日夕對石想泉流因話田家事明年麥有秋

漸覺

古塔靈光寺風鈴晚自喧聞煙過樵舍望樹識吾門荒
礪雪中石夕陽原上村冥冥無遠近漸覺暮林昏

月出

夜天在雪上月出氣蕭然一犬吠深淵數峯生暗煙靜
知怪石理閒想老松年不解山風意飄飄短鬢邊

石橋

日日石橋邊看山復望天人煙隔飛鳥盡處但蒼然卻
返雪中路樵蘇歎跡連谷風吹滿面閒悟去來緣

十五夜對月雜感十首

大雪積千里乾坤日夜風吹來關塞滿流照古今同海
洗飛潮氣人收卒歲功吾生竟何獲白髮恐恩恩

孤燭嚴城角平沙曠野煙泊舟同滯越祀臘屢羈燕

丙戌

是夜在都門丁亥在蘭溪舟中戊子在博野
亡丑在福州庚寅在新城郭外舟中皆對月霜露家難
問山河影自圓只應照歌舞何事送流年

夜歸猶有夢魂在可無招求隱安窮旅明良負

聖朝入山非扣角過市豈吹簫只益慈顏老天涯夕望
遙

信矣貧爲病傷哉仕久難九原悲骨肉百口阻飢寒池
淺蛟龍困家豪大馬慳如何艱臭腐對此怨波瀾

年荒憂仲洽繡賤失平原人事移風會天寒避國門石
難填海水槎尙縱河源幸免浮雲妬猶依皓魄存

城郭宵同夢空山眼獨醒氣流九州白寒豆一天青公
子思芳杜侯王仰列星少年可文學幽事只騷經

松檜蕭蕭靜巖厓鬱鬱高步欄懸斗柄棲羽數秋毫入
洛羣才少游梁倦客勞漢陰難抱甕愁絕攬綈袍

西望流沙道高瞻白玉京入關誰舊尹修月自長生松
子餐黃海桃花落赤城應來下女笑空竊上真名

濁河原注海雌霓各成霞風雨神靈怨滄浪孺子嗟讌
游繁下杜聞見積西華第二流何忤宵清玉兔斜

莫恨團圓後重圓隔歲期春來人共望雪甚汝何私萬
物爭消長中天絕翳虧因嗟多夜鵲匝樹更無枝

十九夜紀夢

山人終日在山中夢裏山光青更好一溪流水劃兩壁
壁上春深繡瑤草銜花鳳鳥不知名鳥去波長天浩浩
石門兩人正灑掃復有一人隔孤島兩人絲竹一人琴
松下坐聽兩人老見我大笑各絕倒六人同入石門道
兩人渡島招一人九人共醉山月偕其中一人最少年
謂我因何貌枯槁別來廿載鬢如絲看取金尊放懷抱
一老叩壁若有呼美人翩聯曳羅襪三五二八紅顏多

自唱長安秋色早扶荔宮寒落葉荒西風匹練誰家擣
金鳬銀雁歸傭保秦皇漢武皆懊惱此皆夢中歌詞我聽淒然
未終曲舉頭月照眉痕綠月斜不見歌舞人地老天荒
大夢眞

絨庭雨以詩見寄歌以酬之

一臥空山累日月兩見清詩若冰雪少年君解薄雕蟲
芳時我久怨啼鳩男兒生不成名身已老杜陵何事傷
懷抱西有玉門邊月萬里塞南有黃河積水千家潦驚
沙苦霧透肌骨哀角清笳雜戍堡尖門簫管日紛紛揚
州歌者來如雲舌脣客似樓君卿肝膽各向平原君百

戲雜沓一夕陳今日燕樂明朝貧白眼相看是路人
道旁凍死誰復聞輕薄由來不足計醉中舞劍空垂
涕抱周公官禮書莫問漢廷鹽鐵議龍鳴虎嘯陰
雨悲警猿號朔風厲平生骨肉尙遠別到處嬉游
那得記感君厚意重彷徨惜君高才共淹滯君不
聞古來難保是功名人生最樂惟弟兄下中且任
樂安貴第五能齊驃騎聲碧紗彈琴卽賓友翠羽
捲簾如送迎可憐出手花猶在棄置吾同團扇情

君夫人工詩畫今夏爲余寫梅花甚佳余落解後來山中委置

德筭故自况云爾

東坡畫竹

一筆懸柯已數尺此氣胸中浩無敵略勾霜節枝葉亂

籀龍迸走出雪壁老可失色揮灑奇

自跋語意

對公之畫思

公詩縱橫往復得雄放筆力逆捲風潮飛快如流水但

奔瀉虎賁何有中郎姿謫仙客死公不歸千年秋月寒

峨帽投荒萬死真一笑杜老意氣猶卑之吟詩作畫自

偶爾文嗟米嘆程亦喜

有文潞國米襄陽程伊川諸君子題跋

信知洛蜀

徒紛紛畫能釋憾人何云嘗觀王維無閒言此竹妙定

追開元主人癖嗜詩與畫言欲題詩意屢敗詩畫何足

論雌雄世人久以俗爲工

黃子久夏山煙雨圖

思伯子堂詩集卷十六

九

浮嵐暖翠依稀見

余舊藏湖高臨本

富春長卷誰爭羨解道天

池石壁奇更看夏山煙雨變腕脫驚雷起六月怒龍裂
澗氣出沒茫茫欲合太古陰蕭蕭或是羣靈窟炎官退
聽雨師驅一洗紅輪汗毛髮慘澹飛動在設色邇來畫
手自無骨兩客旁觀意疑贗百美由來眾所忽西山日
臥冰雪中苦憶春夏煙霞容貪人足欲天難功萬事得
失數有窮長林飄風動高閣下臨鳥去雲漠漠故園如
畫此豈惡烏虜古人有飄泊

周昉欠伸美人圖

我於畫法無所師偶得其理如觀詩少年喜摘溫李豔

漢宮人豈雙成姿。仇唐以來作仕女。頗失古意。妖冶滋。
請看此幅態。閒雅落筆莫。哂唐人肥當風出水妙衣帶。
寫生先已工。折枝迴眸一送愁。欲絕正是春慵顧影時。
細腰不知楚王夢。啼妝儻似襄城癡。落花歲歲春空好。
明鏡朝朝人不知。昭君願嫁胡沙遠。亦似英雄未遇悲。
坐愁行嘆百不可。眾女自古詭蛾眉。周郎寫此亦何意。
那見海棠睡起遲。君不見屏風常閉嬋娟子。宛轉傷懷
通鑑古誰

二十六夜夢中得句時樹齋海秋在側醒而足成
之寄二君

主風既降有魏唐中夜坐讀涕泗滂誰其見者黃與湯
同聲相應一儷雙

四句夢中語

明星爛爛射破窗獨火炯炯

燭殘釭烏虬起視天雨霜豺狼出嗥犬臥僵手數足凍
無酒漿傳巖千歲雲山蒼起佐明堂撫庶邦西南萬里
築受降致君堯舜歸釣缸雁銜秋色來瀟湘魚跳春水
生貢章白首相對壽樂康胡爲去日駭急瀧歲暮鐘鼓
僧擊撞好夢散如雲墮江

李將軍名印詩

客有以此持售者
余見而感焉則作

將軍自是英雄人孝文嘆息材絕倫人生得此可不憾
一代遭逢各有神老望封侯向沙漠因之父子死衛霍

在日無人稱姓名至今玉印寶長平

明妃曲

偶讀歐王二公詩慨然有感漫書三首

明妃初入漢宮時顧影裴回不自持可憐艷色能傾國
那解黃金賄畫師長御如花掖庭徧誰知君王難一見
和我不惜向胡沙攬鬢初來識春殿漢皇自遣佳人行
未覺秋風永巷清明妃卻望關山月馬上琵琶中夜發
心在漢南身漠西聞聲戍卒盡淒淒沿邊昔日良家子
亦有毡城萬里啼至今獨唱明妃曲解道明妃貌如玉
後先不少閉娉婷何處黃雲一冢青

一去單于請保塞信知明妃果絕代漢宮幾度見明妃
世世天驕解親愛他時卻有南匈奴因忿牙師破骨都
絕域相攻中國利晉家後此遂榛蕪可憐懷愍與徽欽
何似明妃出塞心漢周中下秦無策淚盡烏孫馬上音
昭君之王靖匈奴政君之王亂漢家自請入關歸不得
卻徵愛女侍皇都後時屢接和親侯羈帳多應淚暗流
甲觀畫堂人不見渭陵落日故宮秋

除夕出游慨然放歌

鼓刀不爲屠市兒碎琴不作王門客愁來坐對百年樹
醉後走踏千仞石幽州鬱鬱煙沙中蒼然落日渾河風

但見鷓鴣鷹隼高下啄白骨安知萬古爰臂燕頤老死
之英雄駱駝遠影黑山動牛馬出牧黃埃空蕭條慘澹
氣不盡送此朝日夕月迅疾如飛鴻飛鴻昔向南飛鴻
今已北南望浮雲孤去不到天天濤地曠皆寒色陸行
不知車所極水行不知舟所息偃臥復偃仄徹廬荒濶
側妻炊子執爨老母坐僮僮芒屨三年底不歸猶作吉
語寄相憶相憶去年春重游螺女濱不應春兩度又逐
朔方人西山莽蒼太行來跨晉越趙環燕臺行人下馬
青山上榆水東流亦不回三輔少年美可哀相邀脫劍
銜金杯問君今夕何夕同徘徊循環攬轡期始終丈夫
思伯子堂詩集

有悲亦有喜昂藏七尺未必逢蒿死倘欲磊落姓名綴
青史君不憶去年除夜夜泊章江水飢不得食破篷倚
豈憶今年復在此陳腐飽雞魚羊豕明年定勝今年矣
婆婆奉母育妻子吁嗟乎人生但得奉母育妻子何必
封侯萬戶行萬里